



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 842, Datë 27.10.2021

“MBI AUTORIZIMIN E PËRQENDRIMIT TË REALIZUAR NËPËRMJET PËRFTIMIT TË KONTROLLIT TË SHOQËRISË LOOM TECHNOLOGIES GMBH NGA SHOQËRIA TB DIGITAL SERVICES GMBH.”

Komisioni i Konkurrencës me pjesëmarrjen e:

Znj. Juliana LATIFI	Kryetar
Znj. Leida MATJA	Zv/Kryetar
Znj. Rezana KONOMI	Anëtar
Znj. Adriana BERBERI	Anëtar
Z. Denar BIBA	Anëtar

Në mbledhjen e tij të datës 27.10.2021, shqyrtoi çështjen me:

Objekti: Autorizimi i përqendrimit të realizuar nëpërmjet përfimit të kontrollit të shoqërisë Loom Technologies GmbH nga shoqëria TB Digital Services GmbH.

Baza Ligjore: Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”, i ndryshuar; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të shoqërisë Loom Technologies GmbH nga shoqëria TB Digital Services GmbH.

VËREN SE :

Transaksioni dhe procedura

Pranë Autoritetit të Konkurrencës, është depozituar njoftimi mbi përfimin e kontrollit të shoqërisë Loom Technologies GmbH nga shoqëria TB Digital Services GmbH.

Referuar dokumentit “Marrëveshje shitblerje aksionesh” të lidhur më datë 8 korrik 2021, palët janë:

Pala blerëse: *TB Digital Services GmbH*, është një shoqëri me përgjegjësi të kufizuar, e themeluar sipas legjislacionit gjerman, me objekt aktiviteti: sigurimi, kryesisht dixhital, i lëvizshmërisë, shërbimeve të logjistikës dhe transportit të të gjitha llojeve, prodhimi dhe shitja e produkteve të ndërlidhura, si dhe pjesëmarrja në kompani të tjera., etj.

TB Digital Services GmbH kontrollohet në mënyrë indirekte nga Traton SE, aktiviteti i të cilës është biznesi i kamionëve dhe autobusëve i Grupit Volkswagen. Grupi Volkswagen drejtohet nga ndërmarrja mëmë Volkswagen Aktiengesellschaft (Volkswagen AG), e cila operon në Shqipëri përmes shoqërive të zotëruar indirekt prej tij: Porsche Albania SHPK dhe Porsche Leasing SHPK.

Pala shitëse:

1. ProAktiv GmbH & Co. KG, është një shoqëri me përgjegjësi të kufizuar, e themeluar sipas legjislacionit gjerman, e cila ka një partner me përgjegjësi personale dhe përfaqësohet individualisht.

2. Aksionarë (5 individë), të cilët zotërojnë aksione në shoqërinë Loom Technologies GmbH.

Target: *Loom Technologies GmbH*, është një shoqëri me përgjegjësi të kufizuar, e themeluar sipas legjislacionit gjerman, me objekt aktiviteti: zhvillimi dhe konsulenca mbi softuerët.

Shoqëria Loom Technologies GmbH, nuk zotëron degë apo filial në Shqipëri dhe nuk realizon të ardhura.

Ndërmjet shoqërisë TB Digital Services GmbH , Z.Viktor Muller, shoqërisë ProAktiv GmbH & Co. KG dhe individëve Z. Jurgen Ademmer, Z. Eduard Baun, Znj. Sabrina Klante dhe Z. Dean Gehrke, është lidhur “Marrëveshje shitblerje aksionesh”, më datë 8 korrik 2021.

Referuar kësaj Marrëveshje, shitësit dhe blerësi dëshirojnë të shesin/blejnë dhe transferojnë aksionet dhe kërkesat e huasë së Aksionarëve sipas kushteve të kësaj Marrëveshje.

Transaksioni i synuar parashikon blerjen e 100% të aksioneve të shoqërisë Loom Technologies GmbH, nga shoqëria TB Digital Services GmbH. Pas realizimit të transaksionit shoqëria TB Digital Services GmbH, do të zotërojë plotësisht shoqërinë Loom Technologies GmbH.

Mbështetur në dokumentacionin e depozituar, transaksioni i njoftuar plotëson kriteret e përcaktuara në nenin 10 dhe 12, të ligjit nr. 9121, datë 28.07.2003 “Për mbrojtjen e konkurrencës”, i ndryshuar dhe si i tillë kërkohet autorizimi nga Komisioni i Konkurrencës

Vlerësimi i konkurrencës

Referuar nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, i ndryshuar, si edhe Udhëzimit nr.76, datë 07.04.2008 “Për përcaktimin e tregut përkatës”, treg përkatës i produktit mund të konsiderohet tregu i programit softuerik për menaxhimin e aktivitetit të biznesit, por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik do të konsiderohet territori i Republikës së Shqipërisë.

Transaksioni i propozuar është përfundimi i kontrollit të shoqërisë Loom Technologies GmbH nga shoqëria TB Digital Services GmbH.

TB Digital Services GmbH vepron në tregun e sigurimit, kryesisht dixhital, të lëvizshmërisë, shërbimeve të logjistikës dhe transportit të të gjitha llojeve, prodhimin dhe shitjen e produkteve të ndërlidhura, si dhe pjesëmarrja në kompani të tjera etj. TB Digital Services GmbH është pjesë e Grupit Volkswagen, i cili operon në Shqipëri përmes shoqërive të zotëruar indirekt prej tij: Porsche Albania SHPK dhe Porsche Leasing SHPK, në tregun e shitjes së automjeteve dhe dhënien e qerasë financiare e shërbimeve të sigurimeve të lidhura me shitjet e automjeteve.

Loom Technologies GmbH nuk është i pranishëm dhe nuk ka realizuar të ardhura në Shqipëri

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përfutimit të kontrollit të shoqërisë përfutimit të kontrollit të shoqërisë Loom Technologies GmbH nga shoqëria TB Digital Services GmbH.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS